

薛氏医案

刻外科樞要序

往余少時獲交於立齋薛先生嘗與余通書所手鈔笥襲者亡算時時竊好之弗置也嘉靖戊午余上春官先生報病瘍比舉進士歸則先生死矣先生神於醫而尤以瘍擅名所爲諸瘍書甚具凡病癢腫癰疽攣跣瘦癘經先生診治不立已然卒用瘍死故人多訾先生以爲執泥補瀆不知合變嗟乎冤哉其言之也始余識先生時煩病腫瘍瀕死先生竟活之語在醫按中當是時諸醫抱藥囊環立咸愕吐舌不敢出一語而先生率意信手日劑一二不動聲色坐而收功如充國金城之兵方略豫定其正翕張動中成算卽是以例先生之醫殆所謂神解者而世乃以執泥訾之豈非貴耳賤目者衆耶語云尺有所短寸有所長必若所云是越人至今存而軒岐不古也嘻亦諄矣昔楊

子雲作太玄法言桓譚以爲必傳且謂世人親見子雲故輕其書當時博聞如劉歆亦恐後人用覆醬瓿然則世之所爲訾先生亾乃類是也乎乃余則以爲醫顧業精否耳業誠精矣當必有排衆說而獨是之者一時知不知亾論也先生沒諸版刻漸次流散余悉爲購得之而先生從子師顏復手外科樞要一編示余蓋不獨補諸刻之未備而立凡舉要深足爲瘍家指南因屬讎訂并刻之余固親見先生者方魏不能爲先生之桓譚而師顏之克世家學則劉歆之慮吾知其免矣夫先生諸他著作世多有其書不論所爲序本樞要論所繇刻云

隆慶辛未夏五旣望樵李沈啓原道卿撰

外科樞要目錄

卷一

論瘡瘍二十六脉所主

論瘡瘍五善七惡王治

論瘡瘍當明本末虛實

論瘡瘍用針宜禁

論瘡瘍欲嘔作嘔

論瘡瘍用汗下藥

論瘡瘍圍寒涼之藥

論瘡瘍泥用定痛散

論瘡瘍用生肌之藥

論瘡瘍未潰用散毒之藥

論瘡瘍去腐肉

論瘡瘍用針勿忌尻神

論瘡瘍陽氣脫陷

論瘡瘍發熱煩躁

論瘡瘍輕症用重劑

論瘡瘍當捨時從症

論瘡瘍大便秘結

論瘡瘍大便瀉痢

論瘡瘍小便淋漓頻數利

論瘡瘍作渴

論瘡瘍出血

卷二

論腦疽

論耳瘡

論鬢疽

論癰癧

論時毒

論疔瘰

論發背

論乳癰乳巖結核

論疔瘡

論肺疽肺痿

論胃脘癰

論腸癰

論腹癰

論流注

論鶴膝風

論天泡瘡

論赤白遊風

論疥瘡

論附骨疽

論多骨疽

論翻花瘡

卷三

論臀癰

論囊癰

論懸癰

論便癰

論下疳

論痔瘡

論便血

論脫肛

論腎臟風

論廉瘡

論足跟瘡

論脚發

論脫疽

論癰贅

論疔子

論發瘰

論類破傷風

論瘡瘍隨症加減用藥

卷四

治瘡瘍各症附方

肩尖肘尖二穴圖

外科樞要卷之一

薛氏醫按

吳郡薛 已著

新郡吳玄有校

論瘡瘍二十六脈所主

浮脈之診浮於指下按之不足舉之有餘再再尋之狀如太過
瞥瞥然見於皮毛間其主表症或爲風或爲虛浮而大散者心
也浮而短濇者肺也浮而數者熱也而反惡寒者瘡疽之謂也
洪脈之診似浮而大按舉之則泛泛然滿三部其狀如水之洪
流波之湧起其主血實積熱瘡腫論曰脈洪大者瘡疽之病進
也如瘡疽結膿未成者宜下之膿潰之後脈見洪大則難治若
自利者不可救也

滑脈之診實大相兼往來流利如珠按之則累累然滑也其主

或爲熱或爲虛此陽脉也瘡疽之病膿未潰者宜內消也膿潰之後宜托裏也所謂始爲熱終爲虛也

數脉之診按之則呼吸之間動及六至其狀似滑而數也若浮而數則表熱沉而數則裡熱也又曰諸數爲熱仲景云脉數不時見則生惡瘡也又云肺脉俱數則生瘡也診諸瘡洪數者裡欲有膿結也

散脉之診似浮而散按之則散而欲去舉之則大而無力主氣實而血虛有表無裏瘡腫膿潰之後而煩痛尚未痊退診其脉洪滑粗散者難治以其正氣虛邪氣實也又曰鼓體沉重肺脉大則斃謂浮散者也長脉之診按之則洪大而長出於本位其主陽氣有餘也傷寒得之欲汗出自解也長而緩者胃脉也百病皆愈謂之長者則易治也

芤脉之診似浮而輒按之中央空兩邊實其主血虛或爲失血瘡腫之病診得芤脉膿潰後易治以其脉病相應故也

牢脉之診按之則實而弦且沉且浮而有牢堅之音若癰癧結腫診得牢脉者不可內消也

實脉之診按舉有力而類結曰實經曰邪氣勝則實久病虛人得此最忌瘡疽之人得此宜急下之以其邪氣與臟腑俱實也故弦脉之診按之則緊而弦其似緊者爲弦如按弦而不移緊如切繩而轉動以此爲異春脉浮弦而平不時見則爲飲爲痛主寒主虛瘡疽論曰內寒外熱欲發瘡疽也

緊脉之診似弦而緊按之如切繩而轉動其主切痛積癖凡瘡腫得之氣血沉滯也亦主痛也滯脉之診按之則散而復來舉之則細而不足脉滯則氣滯也亦主血虛瘡腫潰後得之無妨也

短脉之診按舉則不及本位內經曰短則氣病以其無胃氣也諸病脉短者皆難治瘡腫脉短真氣短也細脉之診按之則縈縈如珠絲而欲絕舉之如無而似有細而微其止亾陽衰也瘡腫之病脉來細而沉時值者裡虛而欲變症也

微脉之診按之則軟小而極微其主虛也真氣復者生邪氣勝者危瘡腫潰後脉微而勻舉自瘥也

遲脉之診按舉來遲呼吸定息方得三至其狀似緩而稍遲瘡疾得之則善新疾得之則正氣虛憊瘡腫得之潰後自痊

緩脉之診按之似遲而稍駛於遲仲景云陽脉浮大而濡陰脉浮大而濇陰陽同等謂之長緩脉見長緩百疾自瘳凡瘡腫潰後其脉濇遲緩者易愈以其脉病相應是有胃氣也

沉脉之診舉之不足按之方見如爛綿其主邪氣在臟也水氣

得之則逆此陰脉也瘡腫得之邪氣深也伏脉之診比沉不同
伏於筋下推筋而後見與沉相類而邪氣益深矣

虛脉之診按之不足極大而軟輕舉指下豁然而空經曰脉虛
則血虛血虛生寒陽氣不足也瘡腫脉虛宜托裡和氣養血也
軟脉之診按之則如帛在水中極軟而沉細亦謂之軟其主胃
氣弱瘡腫得之宜補虛排膿托裡

弱脉之診以軟而極微來微而似有仲景云微弱之脉綿綿如
瀉勝之絕其主血氣俱虛形精不足大抵瘡家沉遲濡弱

皆直托裡

促脉之診按之則去數來時一止而復來仲景云陽盛則促主
執蓄於裡也下之則和瘡腫脉促亦宜下之

結脉之診按之則往來遲緩時一止而復來仲景云陰盛則結
經曰促結則生代則死

代脉之診其止有常數而不忒如十動一止雖數十次皆見於十動之後如二十動一止雖數十次皆見於二十動之後代者氣衰也諸病見之不祥凡瘡腫之病脉促結者難治而况見代脉平動脉之診見於關上無頭尾如豆大厥厥然而動搖者是也脉經曰陰陽相搏故謂之動動於陽則陽氣虛而發厥動於陰則陰氣虛而發熱是陽生於尺而動於寸陰生於寸而動於尺不可不辨也

謹按脉者人身之造化病機之外見醫家之準繩不可不精究而熟察至於太谿衝陽又爲診法之要生死之機也故十二經脉皆係於生氣是氣者人之根本寸口脉平而死者生氣獨絕於內也難經云上部有脉下部無脉其人當吐不吐者死上部無脉下部有脉雖因無能爲害是脉有根本人有

元氣也夫人受氣於穀乃傳於臟腑清者爲榮濁者爲衛榮
行脈中衛行脈外陰陽相貫如環無端周流一身晝夜各有
常度其不相應者病也病至於甚脈道乃乖抑附治雀啄屋
漏之類若因藥餌尅伐所致急用參芪歸朮薑朮之劑多有
復生者不可遂棄而不治也

論瘡瘍五善七惡主治二

瘡瘍之症有五善有七惡五善見三則瘥七惡見四則危夫善
者動息自寧飲食知味便利調勻膿潰腫消水鮮不臭神彩精
明語聲清朗體氣和平是也此屬腑症病微邪淺更能慎起居
節飲食勿藥自愈惡者乃五臟虧損之症多因元氣虛弱或因
膿出水多氣血虧損或因汗下失宜榮衛消鑠或因寒涼尅伐
氣血不足或因峻厲之劑胃氣受傷以致直氣虛而邪氣實外

似有餘而內實不足法當純補胃氣多有可生不可因其惡遂
棄而不治若大渴發熱或泄瀉淋閉者邪火內淫一惡也竹葉
黃芪湯氣血俱虛八珍湯加黃芪麥門五味山茱萸如不應佐
以加減八味丸煎服膿血既泄腫痛尤甚膿色敗臭者胃氣虛
而火盛二惡也人參黃芪湯如不應用十全大補湯加麥門五
味目視不正黑時緊小白睛青赤瞳子上視者肝腎陰虛而目
糸急三惡也六味丸料加炒山梔麥門五味如不應用八珍湯
加炒小梔麥門五味喘粗氣短恍惚嗜卧者脾肺虛火四惡也
六君加大棗生薑如不應用補中益氣湯加麥門五味心火刑
剋肺金人參平肺散陰火傷肺六味丸加五味子煎服肩背不
便四肢沉重者脾胃虧損五惡也補中益氣湯加山茱萸山藥
五味如不應用十全大補湯加山茱萸山藥五味不能下食服

藥而嘔食不知味者胃氣虛弱六惡也六君子湯加木香砂仁
如不應急加附子聲嘶色敗唇鼻青赤面目四肢浮腫者脾肺
俱虛七惡也補中益氣湯加大棗生薑如不應用六君子湯加
泡薑更不應急加附子或用十全大補湯加附子泡薑腹痛泄
瀉咳逆昏憤者陽氣虛寒氣內淫之惡症也急用托裡溫中湯
復用六君子湯加附子或加薑桂溫補此七惡之治法也此外
更有潰後發熱惡寒作渴或怔忡驚悸寤寐不寧牙關緊急或
頭目赤痛自汗盜汗寒戰咬牙手撒身熱脈洪大按之如無或
身熱惡衣欲投於水其脈浮大按之微細衣厚仍寒此血氣虛
極傳變之惡症也若手足逆冷肚腹疼痛泄痢腸鳴飲食不入
吃逆嘔吐此陽氣虛寒氣所乘之惡症也若有汗而不惡寒或
無汗而惡寒口噤足冷腰背反張頸項勁強此血氣虛極變癰

之惡症也急用參芪歸木附子救之間有可生者大抵虛中見惡症者難治實症無惡候者易治宋時齊院令雖管纂其狀而未具其因 皇明陶節菴雖各立一方亦簡而未悉子故

補其缺云

論瘡瘍當明本末虛實二

瘡瘍之作皆由膏粱厚味醇酒炙博房勞過度七情鬱火陰虛陽轉精虛氣節命門火衰不能生土榮衛虛弱外邪所襲氣血受傷而爲患當審其經絡受證標本緩急以治之若病急而元氣實者先治其標病緩而元氣虛者先治其本或病急而元氣又虛者必先於治本而兼以治標大要瘡高聳痛膿水稠粘者元氣未損也治之則易漫瘡微痛膿水清稀者元氣虛弱也治之則瘡不癰不痛或漫瘡黯黑不潰者元氣虛甚治之猶難者也主治之法若瘡高欬痛者先用仙方活命飲解之後用托裏

消毒散漫腫微痛者用托裏散如不應加羌桂若膿出而反痛
氣血虛也八珍湯不作膿不腐潰陽氣虛也四君加歸芪肉桂
不生肌不收斂脾氣虛也四君加芍藥木香惡寒憎寒陽氣虛
也十全大補加薑桂晡熱內熱陰血虛也四物加參朮欲嘔作
嘔胃氣虛也六君加炮羌自汗盜汗五臟虛也六味丸料加五
味子食少體倦脾氣虛也補中益氣加茯苓半夏喘促咳嗽脾
肺虛也前湯加麥門五味欲嘔少食脾胃虛也人參理中湯腹
痛泄瀉脾胃虛寒也附子理中湯小腹痞足脛痠脾腎虛也十
全大補湯加山茱山藥肉桂泄瀉足冷脾腎虛寒也前藥加桂
附熱渴淋秘腎虛陰火也加減八味丸喘嗽淋秘肺腎虛火也
補中益氣湯加減八味丸大凡怯弱之人不必分其腫潰惟當
先補胃氣或疑參芪滿中間有用者又加發散敗毒所補不償

所損又有泥於氣質素實或有痰不服補劑者多致有悞殊不知瘡瘍之作緣陰陽虧損其膿既泄氣血愈虛豈有不宜補者哉故丹溪先生云但見瘡痛叅之脉症虛弱便與滋補氣血無虧可保終吉

論瘡瘍用針宜禁

四

瘡瘍之症毒氣已成者宜用托裏以速其膿膿成者當驗其生熟深淺而針之若瘡高而軟者發於血脉瘡下而堅者發於筋脉肉色不變者附於骨也小按便痛者膿淺也大按方痛者膿深也按之而不復起者膿未成也按之而復起者膿已成也膿生而用針氣血既泄膿又難成若膿熟而不針腐潰益深瘡口難斂若瘡深而針淺內膿不出外血反泄若瘡淺而針深內膿雖出良肉受傷若元氣虛弱必先補而後針其膿一出諸症自

退若膿出而反痛或煩躁嘔逆皆由胃氣虧損宜急補之若背
瘡熱毒熾盛中央肉黯內用托裏壯其脾胃外用烏金膏塗於
黯處其赤處漸高黯處漸低至六七日間赤黯分界自有裂紋
如刀割然黯肉漸潰矣當用鉗針利剪徐徐去之須使不知疼
痛不見鮮血爲妙雖有裂紋膿未流利及膿水雖出而仍痛者
皆未通於肉並用針於紋中引之患於背胛之間肉腐膿出腫
痛仍作此內有毒筋間隔膿未通耳尤宜引之若元氣虛弱誤
服剋伐患處不痛或肉將死急溫補脾胃亦有生者後須純補
之藥庶可收斂若妄用刀針去肉出血則氣無所依附氣血愈
虛元氣愈傷矣何以生肌收斂乎

論瘡瘍欲嘔作嘔五

瘡瘍作嘔不可泥於毒氣內攻而槩用敗毒等藥如熱甚燉痛

邪氣實也仙方活命飲解之作膿焮痛胃氣虛也托裏消毒散
補之膿熟脹痛氣血虛也先用托裏散後用針以泄之焮痛便
秘熱蘊於內也內疎黃連湯導之若因寒藥傷胃而嘔者托裏
健中湯胃寒少食而嘔者托裏益中湯中虛寒淫而嘔者托裏
溫中湯肝木乘脾土而嘔者托裏抑青湯胃脘停痰而嘔者托
裏清中湯脾虛自病而嘔者托裏益黃湯鬱結傷脾而嘔者托
裏越鞠湯若不詳究其源而妄用攻毒之藥則瘰者不能潰潰
者不能斂矣丹溪雖曰瘰瘍時嘔當作毒氣攻心治之潰瘍時
嘔當作陰虛補之殊不知此大槩言之耳卽內經諸痛癢瘡皆
屬心火之意況今之熱毒內攻而嘔者寡脾胃虛寒而嘔者多
豈可執前聖之言而藥今人之病歟

治驗

進士張德弘昔疽微癰微赤飲食少思余用六君等藥膿成而潰再用大補陽氣之類內生而斂忽寒熱作嘔患處作瘡候其脈浮大鼓指按之若無形氣殊倦余謂之曰此胃氣虛憊非瘡毒也彼云果因侵晨登廁聞穢氣始作信夫先生胃虛之說也用補托而斂

一男子腹患癰瘡硬不潰乃陽氣虛弱嘔吐少食乃胃氣虛寒法當溫補脾胃假如瘡赤痛甚煩躁脈實而嘔爲有餘當下之瘡硬不潰脈弱而嘔爲不足當補之若痛傷胃氣或感寒邪穢氣而嘔者雖瘡瘍猶當助胃壯氣彼不信仍服攻伐藥而果斂

論瘡瘍用汗下藥六

仲景先生治傷寒有汗吐下三法東垣先生治瘡瘍有疎通托裏和榮衛三法用之得宜厥疾瘳矣假如瘡瘍癰硬木悶煩熱

便秘脉沉而實其邪在內當先疎其內以下之厥癰作痛便利
調和脉浮而洪其邪在表當先托其裏以汗之元戎云榮衛充
滿抑遏而爲癰者當泄之以奪盛熱之氣榮衛虛虐壅滯而爲
癰者當補之以接虛怯之氣又東垣先生云瘡瘍雖百亦伏熱
不得攻裏裏虛則下利仲景先生云瘡家雖身體疼痛不可發
汗汗之則發瘕苟不詳審妄爲汗下以致血氣虧損毒反延陷
少壯者難以潰斂老弱者多致不救

治驗

給事錢南亨腹患癰已成余用托裏之藥漸起發彼惑於衆論
用行氣破血以圖內消形體甚勦飲食益少患處頓陷色黯堅
硬按之不痛余用大補之劑色赤瘻起膿熟針之再用托裏瘻
硬漸消而愈

一男子腹內作痛腹外微腫或用藥汗之外無形色脉數無力此元氣虧損毒不能外起遂與參芪歸朮之類數劑漸發於外又數劑膿成而欲針之惑於人言用大黃白芷川山甲之類引膿從便出以致水瀉不止患處平陷自汗盜汗發熱作渴不食仍用前藥加半夏陳皮薑桂四劑形氣漸復又數劑針去其膿仍用補劑喜年幼未婚得痊

論瘡瘍圍寒涼之藥七

內經云五臟不和九竅不通六腑不和留結爲癰又云形傷痛氣傷癰此則臟腑不和瘡發於外也明矣塗貼寒涼豈能調和臟腑宣通氣血耶設使癰痛熱渴脉滑數而有力屬純陽宜內用濟陰丹外用益陽散則熱毒自解瘀滯自散若似癰非癰似痛非痛似潰不潰似赤不赤脉洪數而無力屬半陽半陰宜內

用沖和湯外用陰陽散則血氣自和瘀滯自消若微瘡微痛或
色黯不痛或堅硬不潰脉洪大按之微細軟弱屬純陰宜內服
回陽湯外敷抑陰散則脾胃自健陽氣自回丹溪先生云敷貼
之劑應酬輕小熱症耳若不辨其陰症陽症之所由分而妄敷
寒涼之劑迷塞腠理凝滯氣血毒反內攻而肉反死矣况運氣
得寒而不健瘀血得寒而不散瘀肉得寒而不潰新肉得寒而
不生治者審焉

治驗

閣老翟石門子耳下作痛內服外敷皆寒涼敗毒更加瘡痛項
間瘡硬肉色如故內熯連胸余適考滿到京邀視之雖瘡堅而
脉滑數此膿內潰也雖是三陽熱毒之症爲寒涼凝結不能外
潰先用六君子補中益氣各二劑調補脾胃升發陽氣患處亦

軟針出癰膿甚多仍服至數劑而愈

地官李北川腿患癰內外用敗毒寒涼因痛極刺出膿瘀方知爲癰瘡口開張肉紫令陷外無癰勢此陽氣虛寒而不能收斂用豆豉餅六君子加藿香砂仁炮薑飲食進而患處煖再以十全大補湯元氣復而瘡口愈

一男子腿癰一塊經年不消飲食少思強食則脹或作瀉日漸消瘦兩尺脉微細此命門火衰不能生土以致脾胃虛寒以八味丸治之飲食漸進癰患亦消

論瘡瘍泥用定痛散

八

瘡瘍之作由六淫七情所傷其痛也因氣血凝滯所致假如熱毒在內便秘而作痛者內疎黃連湯導之熱毒熾盛焮癰而作痛者黃連解毒散治之不應仙方活命飲解之瘀血凝滯而作

痛者乳香定痛散和之作膿而痛者托裏消毒散排之膿脹而痛者針之濃潰而痛者補之若因氣虛而痛四君加歸芪血虛而痛四物加參芪腎虛而痛六味地黄丸口乾作渴小便煩數者加減八味丸此皆止痛之法也丹溪先生云膿出而反痛此爲虛也宜補之穢氣所觸者和解之風寒所逼者溫散之若泥用乳沒斯執方矣

治驗

鴻臚蘇龍溪小腹內瘰脹作痛大小便秘結作渴飲冷脉洪數而實用黃連解毒二劑瘰痛頓止二便調和用活命飲而全愈一儒者腎患癰疽焮痛甚用活命飲隔蒜灸而消後因飲食勞倦腫痛惡寒發熱頭疼用補中益氣湯頻用葱熨法兩月餘而一婦人脇下作痛色赤寒熱用小柴胡湯加山梔川芎以清肝

火而愈但經行之後患處作痛用八珍湯以補氣血而安若肝
胆二經血燥氣逆所致當用小柴胡湯加山梔膽草芍歸主之
若久而脾胃虛弱用補中益氣爲主若兼氣鬱傷脾而患間以
歸脾湯若朝涼暮熱飲食少思須以逍遙散爲主

論瘡瘍用生肌之藥

九

夫肌肉者脾胃之所主收斂者氣血之所使但當純補脾胃不
宜泛敷生肌之劑夫瘡不生肌而色赤甚者血熱也四物加山
梔連翹色白而無神者氣虛也四君加當歸黃芪朮熟內熟陰
血虛也四物加參朮膿水清稀者氣血虛也十全大補湯食少
體倦脾氣虛也補中益氣湯煩熱作渴飲食如常胃火也竹葉
黃著湯不應竹葉石膏湯熱渴而小便頻數腎水虛也用加減
八味丸料煎服若敗肉去後新肉微赤四沿白膜者此胃中生

氣也但用四君子湯以培補之則不日而斂若妄用生肌之藥
餘毒未盡而反益甚耳殊不知瘡瘍之作由胃氣不調瘡瘍之
潰由胃氣腐化瘡瘍之斂由胃氣榮養東垣先生云胃乃生發
之源爲人身之本丹溪先生亦謂治瘡瘍當助胃壯氣使根本
堅固誠哉是言也可不慎歟

治驗

銀臺鄭敬齋腿患癰瘡口不斂余考績到京請治者皆用十宣
散之類云旬日收斂至今未應何也余診其脉浮大按之微細
此因脾氣虛弱遂用補中益氣加茯苓半夏壯其脾胃不數日
而瘡斂矣

崑庠王子大背患疽年餘瘡口少許不斂色黯陷下面色痿黃
形氣怯弱脉浮緩而澀此脾肺氣虛也用十全大補湯加附子

少許數劑而元氣漸復却去附子又三十餘劑全愈而領鄉薦

論瘡瘍去腐肉 十

瘡瘍之症膿成者當辨其生熟淺深肉死者當驗其腐潰連脫
丹溪先生云癰疽因積毒在臟腑當先助胃壯氣爲主使根本
堅固而行經活血佐之令其內消余常治脉症虛弱者用托裏
之藥則氣血壯而肉不死脉證實熱者用清熱之劑則毒氣退
而肉自生凡瘡聚於筋骨之間肌肉之內皆因血氣虛弱用十
全大補湯壯其脾胃則未成自散已成自潰又何死肉之有若
不大痛或木痛或不赤或內膿不潰或外肉不腐乃氣血虛弱
宜用桑枝炙及十全大補加薑桂壯其陽氣則四畔卽消瘡頭
即腐其毒自解又何待於針割若脾胃虛弱飲食少思用六君
倍加白朮壯其榮氣則肌肉受毒者自活已死者自潰已潰者

自斂若初起或因剋伐或犯房事以致色黯而不痛者乃陽氣
脫陷變爲陰症急用參附湯溫補回陽亦有可生

治驗

吳庠史邦直之內仲夏患背疽死肉不潰發熱痛甚作嘔少食
口乾飲湯脉洪大按之如無此內真寒而外假熱當捨時從症
先用六君加炮薑肉桂四劑飲食頓進諸症頓退復用十全大
補湯仍加薑桂之類五十餘劑而死肉潰又五十餘劑而新肉
生斯人氣血克盛而瘡易起易斂使醫者逆知預爲托裏必無
此患

論瘡瘍未潰用敗毒之藥十一

瘍瘡之症當察經之傳受病之表裏人之虛實而攻補之假如
癰痛熱渴大便秘結者邪在內也疎通之癰熈作痛寒熱頭疼

者邪在表也發散之熈癰痛甚者邪在經絡也和解之微癰微痛而不作膿者氣血虛也補托之漫癰不痛或不作膿或膿成不潰者氣血虛甚也峻補之色黯而微癰痛或膿成不出或腐肉不潰者陽氣虛寒也溫補之若泥其未潰而槩用敗毒復損脾胃不惟癰者不能成膿而潰者亦難收斂七惡之症蜂起多致不救丹溪先生云癰瘍內外皆壅宜以托裏表散爲主如欲用大黃寧無孟浪之非潰瘍內外皆虛宜以托裏補接爲主如欲用香散未免虛虛之失治者審之

治驗

一男子不慎房勞背脾癰高三寸許濶徑尺餘自汗盜汗內熱發熱口乾飲湯脉浮大按之弱濇此精虛氣節爲患用十全大補加五味麥門山茱山藥四劑諸症悉退因余他往別用流氣

飲一劑虛症悉具腫硬如石余仍以前藥六劑而愈

一儒者背癰一塊按之則軟肉色如故飲食如常勞則吐痰體倦此脾氣虛而痰滯用補中益氣加茯苓半夏少加羌活外用陰陽散以羌汁調搽而消後因勞頭暈作嘔仍以前藥去薑活加生薑蔓荊子而愈

崑庠馬進伯母左胛連脇作痛遣人索治余意此鬱怒傷肝脾用六君加桔梗枳殼柴胡升麻彼別用瘡藥益甚始請治其脉右關弦長按之軟弱左關弦洪按之滯滯乃脾土不及肝木太過因飲食之毒七情之火也遂用前藥四劑脉症悉退再加芎歸全愈此等症誤用敗毒行氣破血導痰以致不起者多矣

論瘡瘍用針勿忌鬼神 十二

鍼灸之法有太乙人神周身血忌逐年鬼神逐口人神而其穴

有禁鍼禁灸之論犯之者其病難瘳理固然也但瘡瘍氣血已傷肌肉已壞宜逆而奪之順而取之非平人鍼灸之比何忌之有外科精義云瘡瘍之症毒氣無從而解膿瘀無從而泄反攻於內內既消敗欲望其生豈可得乎危惡之發於致命之所禍在反掌腹癰囊癰二便不通胸腹脹悶唇疔喉痺咽喉瘡塞其禍尤速患者審之

論瘡瘍陽氣脫陷 十三

瘡瘍陽氣脫陷或因剋伐之劑或因膿血大泄或因吐瀉之後或因悞而入房若發熱頭痛小便淋瀝或滑數便血目赤煩喘白汗發熱氣短頭暈體倦熱渴意欲飲水按水惡寒憎寒身熱惡衣揚手擲足汗出如水腰背反張鄭聲不絕此無根虛火之假熱症若畏寒頭痛咳逆嘔吐耳聾目矇小便遺難瀉利腸鳴

裏急腹痛玉莖短縮冷汗時出牙齒浮痛肢體麻痺或厥冷身痛或咬舌嚙唇舌根強硬此陽氣脫陷之真寒症皆勿論其脉勿論其瘡但見一二急用參附湯補之多有復生者大凡潰後勞後元氣虧損或夢遺精脫或滑數便血或外邪乘之或誤用寒涼氣血脫陷而致斯症治以前藥亦有復生者

治驗

內翰楊皐湖孟夏患背疽服剋伐之劑二旬餘矣漫腫堅硬重如負石隔蒜灸五十餘壯背遂輕以六君加砂仁二劑涎沫涌出飲食愈少此脾虛陽氣脫陷劑用溫補反嘔不食仍用前藥作大劑加附子薑桂又不應遂以參耆各一斤歸朮陳皮各半斤附子一兩煎服三日而盡流涎頓止腐肉頓潰飲食頓進再用薑桂等藥托裏健脾腐脫而瘡愈矣

少參史南湖之內夏患疽不起發脈大而無力發熱作渴自汗盜汗用參耆大補之劑益加手足逆冷大便不寬喘促時嘔脈微細按之如無惟太衝不絕仍以參耆白朮當歸茯苓陳皮計斤許加附子五錢水煎二鍾作一服諸症頓退脈息頓復翌日瘡起而潰仍用前藥四劑後日用托裏藥調理兩月餘而消遂婦卧床十三年矣嘉靖癸卯遭回錄一加憂鬱甲辰三月右心下發一塊焮癰如甌中赤外白先用涼藥一劑不解次用十宣散四劑加痛略紅迎徐南樓視之連投參耆丁桂防芷之劑膿潰徐子無恙矣辭後眩暈嘔逆惡寒戰慄項陷膿清偶檢翁外科發揮至發背門云若初起一頭如黍不癰不赤煩躁便秘四五日間生頭不計其數瘡口各如含一粟名曰蓮房發云云始駭爲惡症治法雖詳不諳於行迎翁至診云辛涼解散氣血

兩虛者忌之連投參芪歸朮地黃薑附大劑瘰高膿稠兼絳烏
金膏數日果腐落筋如脂膜者數片人參每服加至八錢日進
二服逾兩月平復立齋翁術之淵微他醫孰能知之病婦非翁
必誤入鬼錄矣謹附此以告後人母爲時醫之誤當知翁術之
奇布在方策德澤普濟與天地全悠久矣晚生陳遜頓首識

論瘡瘍發熱煩躁十四

瘡瘍發熱煩躁或出血過多或潰膿大泄或汗多亡陽或下多
亡陰以致陰血耗散陽無所依浮散於肌表之間而非火也若
發熱無寐血虛也用聖愈湯兼汗不止氣虛也急用獨參湯發
熱煩躁肉瞤筋惕氣血虛也用八珍湯大渴面赤脉洪大而虛
陰虛發熱也用當歸補血湯肢體微熱煩燥面赤脉沉而微陰
盛發躁也用四君加姜附東垣云晝發熱而夜安靜是陽氣自

旺於陽分也晝安靜而夜發熱是陽氣下陷於陰中也如晝夜俱發熱者重陽無陰也當峻補其陰故王太僕云如大寒而甚熱之不熱是無火也當治其心如大熱而甚寒之不寒是無水也熱動復止倏忽往來時動時止是無水也當助其腎故心盛則生熱腎盛則生寒腎虛則寒動於中心虛則熱收於內又熱不勝寒是無火也寒不勝熱是無水也夫寒之不寒責其無水熱之不熱責其無火熱之不久責心之虛寒之不久責腎之弱治者當深味之

治驗

操江都憲伍松月背瘡愈後大熱誤為熱火用苦寒藥一鍾寒熱益甚欲冷水浴身脉浮大按之全無余曰此陽氣虛浮於肌表無根之火也急用六君子加附子一劑即愈

春九沈震川之內暑月面生瘰節乘涼入風面目浮腫越二日
左臂腫痛癢疹如丹背脇髀股等處發腫塊三四肉色不紅痛
其晝夜呼號寒熱往來飲食不思服活命飲及行氣敗毒之劑
其勢愈熾肝脈浮濇脾脈弦弱此屬二經榮氣不行風邪乘虛
流注經絡爲患先以八珍加黃芪柴胡青皮數劑腫處漸漸紅
骨又以十全大補加金銀花白芷龍胆草貝母十餘劑脇腿二
處潰膿碗許餘塊漸平仍服十全大補湯調理月餘而安向使
專於祛風攻毒鮮不敗事矣

一儒者患流注發熱作渴頭痛自汗脈洪大按之無力此氣血
虛寒也用十全大補加麥門五味治之其症益甚仍用前藥加
附子一錢四劑諸症悉退却去附子加肉桂二十餘劑氣血漸
復又因勞心發熱惡寒飲食減少此脾胃復傷元氣下陷用補

中益氣加附子一不二劑熱止食進仍用大補元氣而安後因
考試不利懷抱不舒更兼勞役飲食日少形氣日衰吐痰作渴
頭痛惡寒或熱來復去或不時而動仍用補中益氣數劑諸症
漸愈元氣漸復乃去附子再加肉桂五分百餘劑而愈

一男子背瘡不斂小便赤澀脊痠發熱口乾体勑脉洪數而無
力用參耆歸朮熟地芎藭陳皮麥門五味炙草肉桂以補元氣
引火歸經脉症益甚此藥力未能及也再劑頓退却去肉桂又
數劑而愈此症因前失補元氣故耳

論瘡瘍輕症用重劑 十五

人身血氣有虛實瘡瘍所發有輕重治療之法有攻補元戎云
若人氣血壅盛榮衛充滿抑遏不行腐化而爲癰者當泄之以
泄盛熱之氣若人飲食少思精神衰弱榮衛短滯寒搏而爲癰

者當補之以接虛怯之氣丹溪先生云瘧瘍內外皆虛宜以補
接行散爲主大抵用藥之法如執權衡當察病勢輕重邪畜表
裏瘡毒通潰元氣虛實若不詳究其因率爾投治實實虛虛七
惡之禍不能免矣治者審之

治驗

吳庠盛原博掌後患疔紅絲至腕惡寒發熱勢屬表症與奪命
丹一服紅絲頓消又用和解之劑大勢已退彼別服敗毒藥發
熱口乾紅絲仍見脉浮大而虛此氣血受傷而然以補中益氣
湯主之而愈蓋奪命敗毒性尤猛烈瘡邪已散而復用之是誅
伐大過失內經之旨矣

一儒者元氣素弱余補其氣血出膿而愈後因勞役瘡痕作癢
乃別服敗毒藥一劑以致口噤舌強手足搐搦痰涎上涌自汗

不止此氣血傷而發瘧也用十全大補加附子一錢灌服而甦
一男子患疔服奪命丹汗不止而瘡不痛熱不止而便不利此
汗多亡陽毒氣盛而真氣傷矣用參芪歸木芍藥防風五味二
劑諸症悉愈惟以小便利爲憂余曰汗出不宜利小便汗既
止陽氣復而自利矣仍用前藥去防風加麥門倍用當歸黃芪
四劑便行瘡潰而愈

論瘡瘍當捨時從十六

經云諸痛癢瘡瘍皆屬心火若癰赤煩躁發熱引冷溼秘作渴
脉洪數實是其常也雖在嚴寒之時必用大苦寒之劑以瀉熱
毒若脉細皮寒瀉利腸鳴飲食不入嘔吐無時手足逆冷是變
常也雖在盛暑之時必用大辛溫之劑以助陽氣內經日用寒
遠寒用熱遠熱有假者反之雖違其時必從其症

論瘡瘍大便秘結十七

東垣先生云瘡瘍熱毒深固嘔哕心逆發熱而煩脉沉而實瘰
硬木悶大便秘結此毒在臟宜疎通之故曰疎通其內以絕其
源又曰瘡瘍及諸病面赤雖伏火熱不得妄攻其裏而陽氣拂
鬱邪氣在經宜發表以去之故曰火鬱則發之凡大便秘不通飲
食雖多肚腹不脹切不可通若腹痞脹而不通者乃直腸乾涸
也宜用猪胆汁導之若腸胃氣虛血涸而不通者宜用十全大
補湯培養之若瘡症屬陽或因入房傷腎而不通者宜用前湯
加薑附回陽多有得生者經云腎開竅於二陰藏精於腎津液
潤則大便如常若潰瘍有此因氣血虧損腸胃乾涸當大補爲
善設若不審虛實而一於疎利者鮮有不誤

治驗

舍親居賓鷗仲夏患瘰背黯瘰尺餘皆有小頭如鋪黍狀四口
矣此真氣虛而邪氣實遂隔蒜灸服活命飲二劑其邪頓退乃
純補其真又將生脈散以代茶飲瘡邪大退余因他往三日復
視之飲食不入中央肉死大便秘結小便赤濁余曰中央肉死
毒氣盛而脾氣虛也大便秘不通腸虛而不能傳送小便赤濁脾
虛而火下陷治亦難矣彼始云莫非間斷補藥之過予曰然乃
急用六君子加當歸柴胡升麻飲食漸進大便自通外用烏金
膏塗中央三寸許四圍紅腫漸消中央黑腐漸去乃敷當歸膏
用地黃丸與前藥間服將百劑而愈

一男子腿患癰因服尅伐虧損元氣不能成膿余爲托裏而潰
大補而斂但大便結燥用十全大補湯加麥門五味而潤月餘
仍結惑於人言乃服潤腸丸而瀉不止余用補中益氣送四神

丸數服而止

論瘡瘍大便瀉痢 十八

瘡瘍大便泄瀉或因寒涼尅伐脾氣虧損或因脾氣虛弱食不剋化或因脾虛下陷不能升舉或因命門火衰不能生土或因腎經虛弱不能禁止或因脾腎虛寒不能司職所主之法若寒涼傷脾用六君加木香砂仁送二神丸脾虛下陷用補中益氣送二神丸命門火衰用八味丸料送四神丸腎虛不禁用薑附湯加吳茱萸五味脾腎虛寒用參附湯送四神丸病機云脉沉而細身不動作睛不瞭飲食不下鼻準氣息者薑附湯主之身重四肢不舉者參附湯主之仲景先生云下痢腸鳴當溫之脉遲緊痛未止當溫之大孔痛當溫之心痛當救裏可與理中附子四逆輩精要云癰疽嘔瀉腎脉虛者不治此發內經之微

旨也凡此實難治之症如按前法治之多有可生者

治驗

御醫王彭峯之內年踰四十背疽不起發泄瀉作嘔食少厥逆
脉息如無屬陽氣虛寒用大補劑加附子薑桂不應再加附子
二劑瀉愈甚更以大附子薑桂各三錢參芪歸朮各五錢作一
劑腹內始熱嘔瀉乃止手足漸溫脉息遂復更用大補而潰再
用托裏而斂十年後仍患脾胃虛寒而歿

論瘡瘍小便淋漓頻數不利十九

瘡瘍小便淋漓頻數或莖中澀者腎經虧損之惡症也宜用加
減八味丸以補陰足脛逆冷者宜用八味丸以補陽若小便頻
而黃者宜用四物湯加參朮麥門五味以滋肺腎若小便短而
少者宜用補中益氣加山藥麥門五味以補脾肺若熱結膀胱

而不利者宜用五淋散以清熱若脾氣燥而不能化者宜用黃
芩清肺飲以滋陰若膀胱陰虛陽無以生者宜用六味丸若膀
胱陽虛陰無以化者宜用滋腎丸腎虛之患多傳此症非滋化
源不救若用黃柏知母反瀉其陽以速其危若老人陰痿思色
精內敗莖中痛而不利者用加減八味丸加車前牛膝不應更
加附子多有復生者若精已竭而復耗之大小便中卒痛愈痛
則愈便愈便則愈牽痛以前藥加附子亦有復生者王太僕云
無陰則陽無以化無陽則陰無以生當滋其化源苟專用淡滲
復損真陰乃速其危也

治驗

職坊王的塘背疽潰後小便淋漓或時自遺作渴引飲煩熱不
寐瘡口焮赤時或如灼時或便遺余曰此腎虛之惡症用加減

八味丸加麥門數劑而痊

大守朱陽山患背疽漫腫色黯微痛作渴瘡頭數十左尺洪數按之無力此腎虛之症先用活命飲二劑以殺其毒午前以參芪歸朮之類壯氣血午後以加減八味丸料固腎氣喜其未用敗毒之藥元氣未損故數日膿出肉腐而愈

駕部林汝玉冬不衣綿作渴飲冷每自喜壯實晒余衣綿診其脉數大無力余曰至火令當求余也三月間果背熱便秘脉澀用四物加苓連山梔數劑大便稍和却去苓連加參朮茯苓二十餘劑及前丸半斤許渴減六七背熱亦退至夏背發一疽純用托裏之劑而斂

封君袁懷雪背疽發熱作渴脉數無力用四物加黃柏知母玄參山梔連喬五味麥門銀花背疽漸退又加白芷參芪腐肉盡

潰因停藥且勞熱渴仍作乃以參芪歸芷炙草山藥山茱茯苓
澤瀉肉桂而愈又以六味丸及十全大補而歛

論瘡瘍作渴二十

瘡瘍作渴若焮痛發熱便利調和者上焦熱也用竹葉石膏湯
瘰癧發熱大便秘澀者內臟熱也用四順清涼飲焮腫痛甚者
熱毒蘊結也用仙方活命飲漫腫微痛者氣血虛壅也用補中
益氣湯若因胃火消燥而津液短少者用竹葉黃芪湯若因胃
氣虛而不能生津液者用補中益氣湯若因胃氣傷而內亡津
液者用七味白朮散若因腎水乾涸作渴或口舌乾燥者用加
減八味丸或先口乾作渴小便頻數而後患疽或疽愈後作渴
飲水或舌黃乾硬小便數而疽生者尤其惡也苟能逆知其因
預服加減八味丸補中益氣湯以滋化源可免是患

論瘡瘍出血二十一

瘡瘍出血因五臟之氣虧損虛火動而錯經妄行也當求其經
審其因而治之若肝熱而血妄行者四物炒梔丹皮苓朮肝虛
而不能藏血者六味地黃丸心虛而不能去血者四物炒連丹
皮苓朮脾虛熱而不能統血者四君炒梔丹皮若脾經鬱結用
歸脾湯加五味子脾氣虛用補中益氣加五味子氣血俱虛
用十全大補陰火動用六味丸加五味子大凡失血過多見煩
熱發渴等症勿論其脉急用獨參湯以補氣經云血生於氣苟
非參芪歸朮甘溫等劑以生心肝之血決不能愈若發熱脉大
者不治凡患血症皆當以犀角地黃湯為主

治驗

翰林屠漸山年四十患濕毒瘡疾誤用輕粉之劑虧損元氣久

不能愈一日將晡之際診之肝脉忽洪數而有力余曰何肝脉之如此侵晨瘡出黯血三四碗體倦自汗雖甚可畏所喜血黯而脉靜余曰此輕粉之熱血受其毒而妄行輕粉之毒亦得以泄邪氣去而真氣虛也當急用獨參湯主之余重其爲人體恤甚篤但惑於他言不果致邪氣連綿不已惜哉

一男子背瘡出血煩躁作渴脉洪大按之如無此血脫發躁用當歸補湯二劑少愈又以八珍湯加黃芪山梔數劑全愈

一婦人潰後吐鮮血三碗許余用獨參湯而血止用四君熟地芎歸而瘡愈此血脫補氣陽生陰長之理也若用涼血降火沉陰之劑脾胃生氣復傷不惟血不歸源而死無疑矣

一老婦手大指患疔爲人針破出鮮血手背俱癰半體皆痛神思昏憤五日矣用活命飲始知痛在手瘡勢雖惡不宜大攻再

用大補劑又各一劑外用隔蒜炙喜此手背赤腫而出毒水又各一劑赤腫漸潰又用托裏藥而瘥

南儀部賀朝卿墜山西少叅別時余見其唇鼻清黑且時搔背問其故曰有一小瘡耳余與視之果疽也此脾胃敗壞爲不治之症余素與善悲其途次不便殯殮遂托其餘友張東沙輩強留之勉與大補但出紫血虛極也或謂毒熾不能爲膿乃服攻毒藥一鍾以致嘔逆脉脫果卒於南都

僉憲張碧崖腰患疽醉而入房脉洪數兩尺更大余辭不治將發丹其子強留頃間吐臭血五六碗余意此腎經虛火而血妄行血必從齒縫出將合肉桂等補腎制火之藥各用罐別煎熟聽用血止拭齒視之果然遂合一鍾冷服之熱渴頓止少頃溫服一鍾脉細欲脫氣息奄奄得藥則脉少復良久仍脫其子疑

內有膿欲刺之余曰必無乃以鶩翎管紙內果如余言次口脉
脫脚寒至膝腹內如冰急用六君加薑附腹始溫膿始潰瘡口
將完彼因侍者皆愛妾又患小便不通此陰已痿而思色以降
其精精內敗不出而然耳用加減八味丸料加參芪白朮一劑
小便雖愈瘡口不斂而歿

外科樞要卷之二

薛氏醫按

吳郡薛 已著

新都吳玄有校

腦疽一

腦疽屬膀胱經積熱或濕毒上湧或陰虛火熾或腎水虧損陰精消涸初起腫赤痛甚煩渴飲冷脉洪數而有力乃濕熱上湧當用黃連消毒散并隔蒜灸以除濕熱漫腫微痛渴不飲冷脉洪數而無力乃陰虛火熾當用六味丸及補中益氣湯以滋化源若口舌乾燥小便頻數或淋漓作痛及腎水虧損急用加減八味丸及前湯以固根本引火歸經若不成膿不腐潰陽氣虛也四君加歸芪不生肌不收斂脾氣虛也十全大補湯若色黯不潰或潰而不斂乃陰精消涸名曰腦爍爲不治若攻補得宜

亦有可愈治者審焉

治驗

一婦人患前症口乾舌燥內服清熱外敷寒涼色黯不舉胸中氣噎此內真寒而外假熱也彼疑素有痰火不欲溫補余以參耆各五錢薑桂各二錢一劑頓然潰又用大補藥而愈

一婦人冬間患此腫痛熱渴余用清熱消毒藥潰之而愈次年三月其舌腫大遍身發疔如葡萄不計其數手足尤多乃脾胃受毒也先各刺出黑血隨服奪命丹七粒出臭汗瘡熱益甚便秘二日與大黃芩連各三錢升麻白芷山梔薄荷連翹各二錢生甘草一錢水煎三五沸服之大小便出臭血甚多下體稍退乃磨入犀角汁再服舌本及齒縫出臭血諸毒乃消更以犀角地黃湯而愈

耳瘡二

耳瘡屬手少陽三焦經或足厥陰肝經血虛風熱或肝經燥火風熱或腎經虛火等因若發熱焮痛屬少陽厥陰風熱用柴胡梔子散若內熱痒痛屬前一經血虛用當歸川芎散若寒熱作痛屬肝經風熱用小柴胡湯加山梔川芎若內熱口乾屬腎經虛火用加味地黃丸如不應用加減八味丸餘當隨症治之

治驗

文選姚海山耳根赤腫寒熱作痛此屬三焦風熱也但中氣素虛以補中益氣加山梔炒黃芩牛蒡子治之而愈

一儒者因怒耳內作痛出水或用祛風之劑筋攣作痛肢體如束此肝火傷血也用六味丸料數服而愈

舉人毛石峯子年二十耳內出水或作痛年餘矣脈洪數左尺

益甚此屬肝腎二經虛熱也用加減八味丸料一劑而愈

一男子每入房耳內或作痒或出水當以銀簪探入甚喜陰涼此屬腎經虛熱也用加減八味丸而愈

一婦人因怒發熱每經行即兩耳出膿兩太陽作痛以手按之痛稍止怒則胸脇乳房脹痛或寒熱往來或小便煩數或小腹脹悶此皆屬肝火血虛也先用梔子清肝散二劑又用加味道遙散數劑諸症悉退又以補中益氣加五味而全愈

一婦人經行後因怒氣勞役發熱寒熱耳內作痛余以經行為血虛用八珍湯加柴胡怒氣為肝火用加味道遙散勞役為氣傷用補中益氣湯加山梔而愈

一婦人耳內作痛或腫聾寒熱發熱面色素青黃經行則變赤余以為怒氣傷肝鬱結傷脾用加味歸脾湯加味道遙散而愈

一婦人耳內癰痛寒熱口苦耳內出水炊連頸項飲食少思此肝火甚而傷脾也用小柴胡湯加山梔牡丹皮稍愈用加味道遙散及八珍湯加柴胡山梔丹皮調補肝脾而全愈

一孀婦或耳內外作痛或項側結核內熱晡熱月經不調唾痰少食胸膈不利余以爲鬱怒傷肝脾朝用歸脾湯以解脾鬱生脾氣夕用加味逍遙散以清肝火生肝血而愈

太卿魏莊渠癸卯仲冬耳內作痛左尺洪大而澀余曰此腎水枯竭不能生肝木當滋化源彼不信仍雜用直補之劑余謂其堦陸時若曰莊渠不能生腎水來春必不能起至明年季春十八日復請治昏憤不語順耳之分已有膿矣且卵縮便數方信余言求治辭不克用六味丸料一鍾陰莖舒出小便十減六七神思頓醒余曰若硬膿出庶延數日爲立嗣之計否則膿從耳

出死立待矣或謂不砒可生者余因辭歸翌日果耳內出膿至二十一日巳未火日而卒

憲副姜時川癸卯冬右手寸口浮數而有痰口內若有瘡然余曰此胃火傳於肺也當薄滋味慎起居以禦之甲辰秋尺脈洪數而無力余曰此肺金不能生腎水無根之火上炎也宜靜調養滋化源以治之彼云今喉耳不時燥痛肢體不時發熱果是無根之火殞無疑矣後會劉古峽云姜公之病已如尊料遂拉同往視喉果瘡潰脉愈洪大又誤以爲瘡毒母而投苦寒之劑卒於仲冬二十八日乃藁之促其亡也否則尚能延至仲夏

鬢疽三

男婦同用

鬢疽屬肝胆二經怒火或風熱血虛所致若發熱作渴者用柴胡清肝散腫譽痛甚者用仙方活命飲若大勢已退餘毒未散

用參芪歸朮爲主佐以川芎白芷今銀花以速其膿膿成仍用參芪之類托而潰之若欲其生肌收斂腎虛者六味丸血虛者四物加參芪或血燥或水不能生木者用四物湯六味地黃丸氣虛者用補中益氣湯皆當滋其化源爲善

治驗

侍御朱南臯患前症腫痛發熱日逋尤甚此肝膽二經血虛火燥也用四物湯加玄參柴胡桔梗炙草治之而愈又因勞役發熱畏寒作湯自汗用補中益氣湯去柴升加五味麥門炮薑而州守胡廷器年七十患前症瘧厥作痛頭口俱脹此腎水不足肝膽火盛而血燥也用六味丸料四劑瘧頭出水而愈後因調養失宜仍瘧痛煩熱喘渴脉洪大而虛此脾胃之氣傷也用補中益氣以補脾用六味地黃丸以補腎肝而痊

癰癧

四

婦人症見婦人良方
小兒症見保嬰粹要

夫癰癧之病屬三焦肝胆二經怒火風熱血燥或肝腎二經精血虧損虛火內動或志怒氣逆憂思過甚風熱邪氣內搏於肝蓋怒傷肝肝主筋肝受病則筋累累然如貫珠也其候多生於耳前後項腋間結聚成核初覺增寒惡熱咽項強痛若寒熱熾痛者此肝火風熱而氣病也用小柴胡湯以清肝火并服加味四物湯以養肝血若寒熱既止而核不消散者此肝經水燥而血病也用加味道遙散以清肝火六味地黃丸以生腎水若腫高而稍軟面色痿黃皮膚壯熱膿已成也可用針以決之及服托裏之劑若經久不愈或愈而復發膿水淋漓肌體羸瘦者必純補之劑庶可收斂否則變成九疔內經曰陷脈為癰留連肉腠卽此病也外用豆豉餅琥珀膏以驅散寒邪補接陽氣內服

補中益氣湯六味丸以滋腎水培肝木健脾土亦有可愈者太
抵肝膽部分結核不問大小其脉左關弦緊左尺洪數者乃腎
水不能生肝木以致肝火燥而筋攣須用前藥以滋化源是治
其本也外臺秘要云肝腎虛熱則生癰病機云癰癧不係膏梁
丹毒火熱之變因虛勞氣鬱所致止宜補形氣調經脉其瘡自
消散蓋不待汗之下之而已也其不詳脉證經絡受病之異者
下之則犯經禁病禁虛虛之禍如指諸掌若脉洪大元氣虛敗
爲不治若面眦白爲金剋木亦不治若眼內赤脉貫瞳人見幾
條則幾年死使不從本而治妄用伐肝之劑則誤矣蓋伐肝則
肝土先傷脾傷則損五臟之源矣可不慎哉

治驗

閻老楊石齋子年十七發熱作渴日晡頰赤左關赤脉大而浮

此肝腎陰虛用補陰八珍湯五十餘劑又加參芪二十餘劑而
潰但濃水清稀肌肉不生乃以參芪歸朮爲主佐以芍藥熟地
麥門五味膿水稠而肌肉生更服必効散一劑癰毒去而瘡斂
容臺張羨之善怒孟春患此或用伐肝之劑不愈余以爲肝血
不足用六味地黃丸補中益氣湯以滋化源至季冬而愈

一儒者愈後體瘦發熱晝夜無定此足三陰氣血俱虛用八珍
加麥門五味二十餘劑又用補中益氣加麥門五味及六味丸而愈

儒者楊澤之缺盆開結一核余謂此肝火血燥而筋攣法當滋
腎水生肝血彼反用行氣化痰外敷南星商陸益大如碗余用
補中益氣湯六味地黃丸以滋腎水開用蘆薈丸以清肝火年
餘元氣復而消

儒者張子容素善怒患此久而不愈瘡出鮮血左關弦洪重按

如無此肝火動而血妄行症屬氣血俱虛用補中益氣湯以補脾肺用六味丸以滋腎肝而愈

一男子頸間結核大潰一婦人左眉及髮際結核並用梔子清肝散海藻散堅丸以清肝火養肝血益元氣而愈此症亦有大小如升斗者亦治以前藥可愈

陸子溫兩耳下癰硬用伐肝軟堅之劑益甚其脉左關弦緊左尺洪數此腎水虧損而筋攣也當生肺金滋腎水則肝得血而筋自舒矣彼不悟仍服前藥竟致不起

時毒五

夫時毒者爲四時邪毒之氣而感之於人也其候發於鼻面耳項咽喉赤癰無頭或結核有根寒熱頭痛恍惚不寧狀如傷寒五七日之間亦能殺人治宜精辨之若脉浮數者邪在表也用

葛根牛蒡子湯解毒升麻湯之類以發之脉沉瀆者邪在裏也
用梔子仁湯大黃湯之類以下之表裏俱病者犀角升麻湯甚
者發出惡血并用通氣散噎鼻內取嚏以洩其毒十日外自消
若噎藥不嚏者不可治之如嚏出膿血者治之必愈至七八日
之間大小便通利頭面腫起高赤者可服托裏散黃芪散此病
若五日已前精神昏亂咽喉秘塞語聲不出頭面赤腫食不知
味者必死之候凶荒勞役患之安裏爲主用普濟消毒飲最善
然而此症有陰有陽有可汗有可下若誤認爲熱毒而用藥則
謬矣

治驗

少宰李蒲汀用發散之藥托損元氣患處不消體倦惡寒食少
口乾余用益氣湯加桔梗及耗裏消毒散而愈

秋官陳同野元氣素弱脈微細而伏此形病俱虛也用參朮芩
歸陳皮柴胡升麻炙草以升舉陽氣用牛蒡玄參連翹桔梗以
解熱毒二劑瘰頓消而脈亦復矣苟以脈微細爲屬陰以瘰赤
爲屬陽而藥之鮮有不誤者

一婦人潰後瘰赤不消食少體倦膿清色白乃脾肺氣虛也先
用六君加桔梗芩歸後用益氣湯加桔梗而斂

春官袁谷虛之妹表散過度瘰硬不食脈浮大按之而短此真
氣絕也辭不治後果歿

疔瘰六

疔瘰屬足陽明胃經或外因風熱所乘或內因積熱所致若瘰
痛寒熱者白芷胃風湯內熱瘰痛者升麻黃連湯外瘰作痛內
熱口乾者犀角升麻湯內傷寒涼不能消潰者補中益氣湯發

熱作渴大便秘結者加味清涼飲表裏俱解而仍腫痛者欲作膿也托裏散若飲食少思胃氣虛弱也六君子湯肢體倦怠陽氣虛弱也補中益氣湯膿毒既潰癰痛不減熱毒未解也托裏消毒散膿出而反痛氣血虛也人參內托散發熱晡熱陰血虛也八珍湯惡寒發熱氣血俱虛也十全大補湯若癰焮痛連耳下者屬手足少陽經當清肝火若連頤及耳後者屬足少陰經虛火當補腎水患此而有不治者多泥風熱執用剋伐之藥耳

治驗

地官陳用之服發散之劑寒熱已退腫痛不消此血凝滯而欲作膿也用托裏消毒散而膿成又用托裏散而膿潰但膿清作渴乃氣血虛也用八珍湯加麥門五味三十餘劑而愈

上舍盧懋樹兩尺脈數症屬腎經不足誤服消毒之劑致損元

氣而不能愈，余用補中益氣六味九料而痊。

上舍熊棟卿，願後患之膿清體瘦，遺精盜汗，晡熱口渴，痰氣上湧，久而不愈。脈洪大，按之微細，屬腎氣虧損所致。遂用加減八味九料，并十全大補湯而愈。

一婦人素內熱，因怒耳下至頸腫痛，寒熱此肝膽經火燥而血虛，用柴胡梔子散而腫痛消。用加味道迨迨散而寒熱退。用八珍湯加丹皮而內熱止。

發背 男婦全用

發背屬膀胱督脈經，或陰虛火盛，或醇酒厚味，或鬱怒房勞所致。若癰赤痛甚，脈洪數而有力，熱毒之症也，為易治。漫腫微痛，色黯作渴，脈洪數而無力，陰虛之症也，為難治。不癰不痛，或漫腫色黯，脈微細，陽氣虛甚也，尤為難治。若癰焮作痛，寒熱作渴。

飲食如常此形氣病氣俱有餘也先用仙方活命飲後用托裏
消毒散解之漫腫微痛或色不赤飲食少思此形氣病氣俱不
足也用托裏散調補之不作膿或膿成不潰陽氣虛也托裏散
倍如肉桂參芪膿出而反痛或膿清稀氣血俱虛也八珍湯惡
寒形寒或不收斂陽氣虛也十全大補湯晡熱內熱或不收斂
陰血虛也四物加參朮作嘔欲嘔或不收斂胃氣虛也六君加
炮薑食少體倦或不收斂脾氣虛也補中益氣湯加茯苓半夏
肉赤而不斂血熱也四物加山梔連翹肉白而不斂脾虛也四
君加酒炒芍藥木香小便頻數者腎陰虧損也加減八味丸若
初患未發出而寒熱疼痛作渴飲冷此邪氣內蘊也仙方活命
飲口乾飲熱漫腫微痛此元氣內虛也托裏消毒散飲食少思
肢體倦怠脾胃虛弱也六君子湯如未應加薑桂其有死者乃

邪氣盛真氣虛而不能發出也在於旬餘之間見之若已發出用托裏消毒散不腐潰用托裏散如不應急溫補脾胃其有死者乃真氣虛而不能腐潰也在於二旬之間見之若已腐潰用托裏散以生肌如不應急溫補脾胃其有死者乃脾氣虛而不能收斂也在於月餘見之此三證雖不見於經籍余嘗治

而歷
驗者

治驗

都憲周弘岡背患疽癰而不潰脉大而浮此陽氣虛弱而邪氣壅滯也用托裏散倍用參芪反內熱作渴脈洪大鼓指此虛火也用前散急加肉桂脈證頓退仍用托裏而愈若以為熱毒而用寒藥則誤矣

太僕王的塘初起因大勞又用十宣散之類加喘渴內熱脈大無力此陽氣自傷不能升舉下陷於陰分而為內熱也余以補

中益氣加酒炒芍藥麥門冬五味子治之而愈

上舍張克恭患此內服外敷皆寒涼敗毒遍身作痛欲嘔少食
晡熱內熱惡寒畏寒余曰遍身作痛榮衛虛而不能營於肉裏
也欲嘔少食脾胃虛寒而不能消化飲食也內熱晡熱陰血內
虛而陽氣陷於陰分也惡寒畏寒陽氣虛弱而不能衛於肌膚
也此皆由脾胃之氣不足所致遂用補中益氣湯諸症漸退更
以十全大補湯腐肉漸潰又用六君子湯加芎歸肌肉頓生而愈
府庠彭碧溪患腰疽服寒涼敗毒之藥色黯不痛瘡頭如鋪黍
背重不能安寢耳噴目白面色無神小便頻澀作渴迷悶氣粗
短促脈浮數重按如無余先用滋腎水之藥一劑少頃便利湯
止背即輕爽乃砭去瘀血以艾半斤許明灸患處外敷烏金膏
內服參芪歸朮肉桂等藥至數劑元氣稍復自疑肉桂辛熱一

日不用手足竝冷大便不禁仍加肉桂及補骨脂二錢肉豆蔻一錢大便如常其肉漸潰更用當歸膏以生肌肉八珍湯以補氣血而愈

儒者周兩峯懷抱久鬱背脊患疽肝脈弦洪脾脈浮大按之微細以補中益氣湯加桔梗貝母少用金銀花白芷二劑肝脈頓退脾脈頓復乃以活命飲二劑膿潰腫消肝脈仍弦此毒雖去而胃氣復傷仍用補中益氣湯加茯苓半夏而愈

上舍蔡東之患此余用托裏之藥而潰瘡口尚未全斂時值仲冬兼咳嗽余曰瘡口未斂脾氣虛也咳嗽不止肺氣虛也法當補其母一日與其全宴見忌羊肉余曰補可以去弱人參羊肉之類是最宜食之遂每日不徹旬餘而瘡斂嗽亦頓愈矣

憲副屠九峯孟春患此色黯漫腫作渴便數尺脈洪數此腎水

乾涸當歿於火旺之際不信更用苦寒之藥復傷元氣以促其
京兆柴黼菴仲夏患之色黯微癰發熱煩躁痰涎自出小腹陰
實手足逆冷右關浮澀兩尺微細余口此虛寒之症也王太僕
云大熱而不熱是無火也決不能起懇求治之用大溫補之藥
一劑流涎雖止患處不起終不能救

舉人顧東溪久作渴六月初腰患疽不慎起居瘡潰尺許色黯
敗臭小便如淋唇裂舌刺七月終請治左尺洪數左關浮澀余
謂先渴而患疽者乃腎水乾涸虛火上炎多致不起然膿水敗
臭色黯不痛瘡口張大乃脾氣敗而肌肉死也小便如淋痰壅
喘促口乾舌裂乃脾肺敗而腎水絕也左尺洪數腎無所生也
左關浮澀肺剋肝也况當金旺之際危殆速矣二日後果歿蓋
此症既發於外兩月方歿者乃元氣虛不能收斂也若豫爲調

補使氣血無虧亦有得生者

乳癰乳岩結核

八

婦人症見婦人良方
外科撮要

乳房屬足陽明胃經乳頭屬足厥陰肝經男子房勞恚怒傷於肝腎婦人胎產憂鬱損於肝脾若熯痛寒熱當發散表邪癰熯痛甚當清肝消毒並宜隔蒜灸不作膿或膿成不潰托裏散為主不收斂或膿清稀補脾胃為主若膿出反痛或作寒熱氣血虛也十全大補湯體倦口乾中氣虛也補中益氣湯晡熱內熱陰血虛也八珍湯加五味子欲嘔作嘔胃氣虛也香砂六君子湯食少作嘔胃氣虛寒也前湯加藿香食少泄瀉脾氣虛寒也前湯加炮薑若勞碌腫痛氣血未復也八珍湯倍用參苓歸木若怒氣腫痛肝火傷血也八珍湯加柴胡山梔若肝火血虛而結核者四物湯加參朮柴胡升麻若肝脾氣血虛而結核者四

君子加芎歸柴胡升麻鬱結傷脾而結核者歸脾湯兼瓜蒌散
若鬱怒傷肝脾而結核不痒不痛者名曰乳岩最難治療苟能
戒七情遠厚味解鬱結養氣血亦可保全

治驗

封君袁陽涇左乳內結一核月餘赤腫此足三陰虛兼怒氣所
致用八珍湯加柴梔丹皮治之諸證漸退又用清肝解鬱湯而
愈時當仲秋兩目連劄肝脈微弦此肝經火盛而風動也更加
龍膽草五分并六味地黃丸而愈若用清熱敗毒化痰行氣鮮
有不誤者

一儒者兩乳患瘰服連翹飲反堅硬食少內熱胸脇作痛日晡
頭痛小便赤澹此足三陰虛而兼鬱怒前藥復損脾肺先用六
君加芎歸柴胡山梔四十餘劑元氣復而自潰乃作痛惡寒此

氣血虛也用十全大補湯六味丸而愈

一儒者兩乳作痛兩脇作脹久服流氣飲瓜蒌散後左脇下結一塊肉色不變勞則寒熱用八珍加柴胡遠志貝母桔梗月餘色赤作痛膿將成矣後針出膿碗許頓然作嘔此胃氣虛而有痰也令時嚼生薑服六君子湯嘔止加肉桂而瘡愈後出仕每勞怒胸乳仍痛或發寒熱服補中益氣湯加炒山梔卽愈

疔瘡九

內經曰膏粱之變足生大疔多由膏粱厚味之所致或因卒中飲食之毒或感四時不正之氣或感蛇蟲之毒或感死畜之穢各宜審而治之其毒多生於頭面四肢形色不一或如小瘡或如水泡或疼痛或麻木或寒熱作痛或嘔吐惡心或肢體拘急並用隔蒜灸并服解毒之劑若不省人事或牙關緊急者以奪

命丹爲末葱酒調灌之若生兩足者多有紅絲至臍生兩手者
多有紅絲至心生唇口內者多有紅絲入喉皆急用針挑破
其絲使出惡血以洩其毒若患於偏僻之處藥所難導者惟灸
法大有回生之功然疔之名狀雖有十三種之不同而治法但
審其元氣虛實邪之表裏而庶無悞人於天札也若專泥於疎
利表散非惟無益而反害之凡人暴死多是疔瘡急取燈遍照
其身若是小瘡卽是其毒宜急灸之并服奪命丹等藥亦有復甦者

治驗

長洲庠蘓子忠鼻梁患之症屬表邪但氣血俱虛不勝發散遂
用補中益氣爲王佐以防風白芷而愈

一男子小指患之或爲針刺出血敷以涼藥掌指皆癰三四倍
色黯神昏此邪氣鬱遏余先以奪命丹一服活命飲二劑稍可

氣因他往或爲遍刺其手出鮮血碗許臂癰如瓠指大數倍用
大劑參芪歸朮之類及頻灸遍身而癰消但大便不實時常泄
氣此元氣下陷以補中益氣加骨脂肉苳吳茱五味又日以人
參五錢麥門三錢五味二錢水煎代茶飲又用大補藥五十餘
貼而愈設此症初不用解毒之劑後不用大補之藥死無疑矣
白蓮涇陳伯和子唇患之有紫脈延至口內將及於喉余曰紫
脈過喉則難治矣須針其脈并瘡頭出惡血以泄其毒則可彼
不信別用解毒之劑遂至頭面俱癰復求治口內癰脹針不能
入乃斫面出黑血碗許勢雖少退終至不起惜哉

肺疽肺痿

婦人症見
婦人良方

夫肺者五臟之華蓋也處於胸中主於氣候於皮毛勢傷氣血
腠理不密外邪所乘內感於肺或入房過度腎水虧損虛火上

炎或醇酒炙燂辛辣厚味薰蒸於肺或咳唾痰涎汗下過度重
亡津液之所致也其候惡風咳嗽鼻塞項強胸脇脹滿呼吸不
利咽燥作渴甚則四肢微痠咳唾膿血若吐痰臭濁膿血腥穢
胸中隱隱微痛右手寸口脈數而實者爲肺疽若唾涎沫而無
膿脈數而虛者爲肺痿也若咳嗽喘急者小青龍湯咳嗽胸脹
者葶歷大棗瀉肺湯咳膿腥濁者桔梗湯咳喘短氣或小便短
少者佐以參芪補肺湯體倦食少者佐以參朮補脾湯咳唾痰
壅者腎虛水泛也六味地黃丸口乾咽燥者虛火上炎也加減
八味丸此症皆因脾土虧損不能生肺金肺金不能生腎水故
始萌則可救膿成則多死若脈微緊而數者未有膿也緊甚而
數者已有膿也內經曰血熱則肉敗榮衛不行必將爲膿大凡
肺瘡咳唾膿血久久如粳米粥者難治若唾膿而不止者亦不

可活也其嘔膿而自止者自愈其肌短而澀者自痊面色當白而反赤者此火之剋金皆不可治苟能補脾肺滋腎水庶有生者但恐專攻其瘡脾胃益虛鮮有不誤者矣

治驗

一儒者患肺癰鼻流清涕咳吐膿血胸膈作脹此風邪外傷也先用消風散加亂髮灰二服而鼻利又用四君加芎歸及桔梗湯而愈後因勞役咳嗽吐膿小便滴瀝面色黃白此脾土不能生肺金不能生腎水也用補中益氣湯六味地黃丸而愈

一儒者因素善飲咳膿項強皮膚不澤此脾肺氣虛外邪所乘而成肺癰也先用桔梗湯後用人參補肺湯而痊

一男子咳吐痰膿胸腹膨脹兩寸與右關脉皆洪數此火不能生土而土不能生金也用桔梗湯爲主佐以補中益氣湯而愈

一男子不時咳嗽作渴自汗發熱便數自用清肺降火理氣滲利之劑服之反小便不通面目赤色唇烈痰壅肺腎三脈浮大按之而數此足三陰虧損不能相生當滋化源否則成癰矣不信仍用分利之藥後果患肺癰余用桔梗湯及六味丸而愈

一男子面赤吐膿發熱作渴煩躁引飲脈洪數而無倫次先用加減八味丸加麥門大劑一服熱渴頓止卽熟睡良久覺而神爽索食再劑諸症頓減仍用前藥更以人參五錢麥門二錢五分五味二錢水煎代茶日飲一劑月餘而安此症面赤者當補肺腎面白者當脾肺治者驗之

一婦人素血虛發熱咳嗽或用痰火之劑後吐膿血面赤脈數其勢甚危此膿成而血氣虛也余用八珍湯以補元氣用桔梗湯以治肺症脈症漸愈

一婦人感冒風寒或用發表之劑反咳嗽喘急飲食少思胸膈不利大便不通右寸關脉浮數欲用通利之劑余曰此因脾土虧損不能生肺金若更利之復耗津液必患肺癰矣不信仍利之虛證悉至後果吐膿余朝用益氣湯夕用桔梗湯各數劑吐膿漸止又朝仍前湯夕用十全大補湯各五十餘劑喜其善調理獲愈

一婦人咳嗽吐痰胸膈作痛右寸關浮滑項下牽強此脾胃積熱成痰非癰患也以二陳湯加山梔白朮桔梗治之而痊

一婦人素血虛內熱時咳甲辰孟冬兩尺浮洪余曰當防患肺症丙午孟春果咳嗽左右寸脉洪數此心火刑剋肺金而成肺癰也膿已成矣夏令可憂余用壯水健脾之劑稍愈彼不慎調攝果歿於仲夏

胃脘癰十一

聖濟總錄云胃脘癰由寒氣隔陽熱聚胃口寒熱不調故血肉腐壞以氣逆於胃故胃脈沉細以陽氣不得上升故人迎熱其令人寒熱如瘧身皮甲錯或咳嗽或嘔膿唾血若脈洪數膿成也急排之脈遲緊瘀血也急下之否則其毒內攻腐爛腸胃矣丹溪先生云內疽者因飲食之毒七情之火相鬱而發用射干湯主之愚常以薏苡仁湯牡丹皮散太乙膏選用之亦效若吐膿血飲食少思助胃壯氣爲主而佐以前法不可專治其瘡

治驗

一男子寒熱作渴不時咳吐口內血腥又五日吐膿身皮甲錯用射干湯四劑膿血已止但氣壅痰多以甘桔湯而愈
一男子用射干湯之類將愈但氣喘體倦發熱作渴小便頻數

此肺氣不足用補中益氣山藥山茱麥門五味時仲夏更以生
脈散代茶飲而愈

一婦人素食厚味吐膿已愈但小便淋瀝此肺腎氣虛用補中
益氣加麥門五味及加減八味丸而愈若營漿之人初起宜用

腸癰 十二

孫真人云腸癰爲病小腹重強按之則痛小便如淋時時汗出
復惡寒身皮甲錯腹皮急如癰甚者腹脹六轉側有水聲或繞
臍生瘡或膿從臍出或從大便下蓋因七情飲食所致治法脈
遲緊者未有膿也用大黃湯下之脈洪數者已有膿也用薤苳
仁湯排之小腹疼痛小便不利膿壅滯也牡丹皮散主之若大
便或臍間出膿者不治內經云腸癰爲病不可驚驚則腸斷而
死故患是者其坐卧轉側理宜徐緩時少飲薄粥乃服八珍湯

固其元氣靜養調理庶可保全其生

治驗

通府張廷用患之兩月餘矣時出白膿體倦惡寒此邪氣去而中氣虛也余用托裏散兼益氣湯徐徐呷之又令以豬肚肺煮爛取其湯調米粉煮時呷半盞後漸調理而痊

一男子裏急後重下膿脹痛此脾氣下陷用排膿散蠟礬丸而愈後因勞復寒熱體倦用補中益氣湯而安

一婦人小腹脹痛小便如淋時時汗出此瘀血凝結於內先以神効瓜萸散二劑少愈更以薏苡仁湯而愈

一婦人小腹脹痛而有塊脉乳而澀此瘀血爲患也以四物加芫胡索紅花桃仁牛膝木香二劑血下而痊

一婦人小腹脹痛大便秘澀轉側有水聲脉洪數此膿瘀內澀

也以梅仁湯一劑下瘀血諸症悉退再以薏苡仁湯二劑而瘥
一婦人膿成脹痛小便不利脈洪數此膿毒內潰也服太乙膏
二錢膿下甚多更以瓜萸散蠟本礬丸及托裏散而安如用雲母膏尤妙
一婦人產後惡血不止小腹作痛服瓜子仁湯下瘀血而痊凡
於血停滯宜急治之緩則腐化為膿最為難治若流注關節則
為敗症

腹癰十三 男婦全用

腹癰謂瘡生於肚腹或生於皮裏膜外屬膏梁厚味七情鬱火
若漫腫堅硬肉色不變或脈遲緊未成膿也四君加芎歸白芷
枳殼或托裏散瘰癧軟色赤或脈洪數已成膿也托裏消毒散膿
成而不外潰者氣血虛也卧針而刺之瘰癧作痛者邪氣實也
先用仙方活命飲隔蒜灸以殺其毒後用托裏以補其氣若初

起欲其內消當助胃壯氣使根本堅固而以行經活血之藥佐之若用剋伐之劑欲其消散則腫者不能潰潰者不能斂若用疎利之藥下其膿則少壯者多爲難治老弱者立見危亡亦有食積疝氣類此者見保嬰粹要

治驗

司馬李梧山患此腹痛而勢已成用活命飲一劑痛頓止用托裏消毒散瘰頸起此膿將成也用托裏散補之自潰而愈

錦衣掌堂劉廷器正德辛未仲夏腹患癰潰而膿清熱渴腹脹作嘔不食或以爲熱毒內攻皆用芩連大黃之劑病愈甚余曰當捨時從症投以參芪薑附等藥一劑嘔止食進再用托裏等劑而瘡愈

進士邊雲莊腹痛惡寒脈浮數余曰浮數之脈而反惡寒瘡疽

之症也不信數日後復請視之左尺洪數余曰內有膿矣仍不信至小腹痛脹連及兩臂始悟余曰膿潰臂矣氣血俱虛何以收斂急用活命飲一鍾臂潰一孔出膿斗許氣息奄奄用大補藥一劑神思方醒每去後蝨從瘡出痛不可當小腹間如有物上挺卽發瘰不省人事煩燥脈大舉按皆實省而胗之脈洪大按之如無以十全大補倍用參芪至四斤更加附子二枚煎膏服而瘰止又用十全大補湯五十餘劑而瘡斂

丁舍周一元腹患癰三月不愈膿水清稀朝寒暮熱服四物黃槩知母之類食少作瀉痰涎上湧服二陳枳實之類痰涎愈甚胸膈痞悶謂余曰何也余曰朝寒暮熱血氣虛也食少作瀉脾胃虛也痰湧胸痞脾肺虛也悉因真氣虛而邪氣實也當先壯其胃氣使諸臟有所稟而邪自退矣遂用六君加黃芪當歸數

劑諸症漸退又用十全大補湯肌肉漸斂更用補中益氣湯調理而痊

上舍毛體仁素陰虛春初咳嗽胸中隱痛腎脈數而無力肺脈數而時見此腎氣虧損陰火熾盛用六味丸料一劑服之病勢雖減內癰已成蓋因元氣虛而未能發出火令可畏不信服痰火之劑兩月後乳間微癰脈洪數而無力余曰膿內潰矣當刺出其膿以免內攻之禍不信又月餘請視但針得一孔膿攪不利仍復內攻唇舌青赤余曰臟腑已壞吾何能治之後果歿從姪孫年十四而嬋姻乙巳春年二十四腹中氣痛用大黃等藥二劑下血甚多胸腹脹滿痰喘發熱又服破氣降火藥一劑汗出如水手足如冰余他往適歸診之左關洪數右尺尤甚乃腹癰也雖能收斂至夏必變而成瘵症用參芪各一兩歸朮各

五錢陳皮茯苓各三錢炙草炮薑各一錢二劑諸症少退腹始
微赤按之覺痛又二劑作痛又二劑癰痛脈滑數針出膿瘀更
用大補湯精神飲食如故因遺精思慮色黯用前藥加五味山
朮山藥骨脂吳茱萸等劑瘡痛漸斂瘵症悉具其脈非洪大而數
即微細如無惟專服獨參湯人乳汁少復良久仍脫余曰當備
後事以俟火旺乃禱鬼神巫者歷言往事如見更示以方藥皆
咳利之劑且言保其必生敬信服之後果歿經曰拘於鬼神者
不可與言至德而况又輕信方藥於邪妄之人耶書此以警後

流注 十四

婦人症見婦人良方女科
撮要小兒症見保嬰粹要

沉注或因飲食勞倦脾胃傷損或因房勞陰虛陽氣湊襲或因
官氣不從逆於肉理或因腠理不密外邪客之或暴怒傷肝或
鬱結傷脾或濕痰流注或跌撲血滯或產後惡露皆因氣虛血

注而凝也。或生於四肢關節，或生於胸腹腰臀，或結塊，或漫腫，或作痛，皆由元氣虧損所致也。悉宜葱熨，及用益氣養榮湯固其元氣，則未成者自消，已成者自潰。若久而不斂，佐以豆豉餅、琥珀膏祛散寒邪，補接陽氣。若內有膿管而不斂者，用針頭散腐化之。經云：形傷痛，氣傷癰。又曰：真氣奪則虛，邪氣勝則實。若不補氣血，節飲食，慎之，居戒七情，而專用寒涼剋伐，其不死者幸矣

治驗

侍御朱東溪左脇下近腹肝膽經部分結一塊，四寸許，漫腫不赤。按之則痛。余曰：此當補脾胃。彼謂癰瘍宜表散，乃服流氣飲。後胃氣頓虛，始信余言。遂用四君子加芎歸酒炒，芍藥薑桂，胃氣復而惡症退。乃去乾薑，加黃芪數劑，微赤微痛。又三十餘劑，癰瘰大痛，此膿內潰也。遂針之用，補中益氣，加減八味丸而愈。

男子元氣素弱腎癭硬而色不變飲食少思如此年餘矣此血虛而未能潰也先用六君子湯加川芎當歸芍藥元氣漸復飲食漸進患處漸潰更加黃芪肉桂并用葱熨之法月餘俟熟而針之又以十全大補湯及附子餅熨之而愈

男子腿患癭肉色不變亦不作痛此真氣虛也以補中益氣茯苓半夏少佐以枳殼木香外用香附餅熨之彼謂氣無補乃服流氣飲胃氣愈虛余用六君子加芎歸數劑飲食少進用補劑月餘而消

男子脇癭一塊日久不潰按之微痛脉微而澁此形症俱虛當補不當瀉乃用人參養榮湯及熱艾熨患處膿成以火針之用豆豉餅十全大補湯百劑而愈

男子腹患此癭硬不潰脈弱時嘔欲用敗毒等藥余謂癭硬

不潰乃陽氣虛弱嘔吐少食乃胃氣虛寒法當溫補脾胃彼不信仍用攻伐而嘔愈甚復請治脈微弱而發熱余曰熱而脈反靜脫血脈反實汗後脈反躁者皆為逆也辭不治後果歿

余北仕時有留都賈學士子年十六患此二載矣公陞北宗伯邀余治脈洪大而數膿清熱渴食少體倦夜間盜汗午前畏寒余曰真氣不足邪氣有餘治之無功矣余午前以四君子加芎歸灸草午後以四君子加五味麥門參芪兩月諸症遂可一二又有用滲利之劑保其必生者三月後形體骨立復求余治余時被命南下後竟不救

鶴膝風

十五

婦人症見婦人良方
小兒症見保嬰粹要

鶴膝風乃調攝失宜虧損足三陰經風邪乘虛而入以致肌肉日瘦肉熱減食肢體攣痛久則膝大而腿細如鶴之膝故各之

若傷於脾胃者補中益氣湯爲主傷於肝腎者六味丸爲主若欲其作膿或潰後十全大補湯爲主皆佐以_大防風湯初起須用葱熨可以內消若津涸口乾中氣不足也補中益氣湯加_五味子頭暈頭痛陽氣不升也補中益氣湯加蔓荊子發熱晡熱陰血虛弱也用_四物參芪白朮畏寒憊寒陽氣虛弱也用十全大補湯飲食少思胸膈膨脹脾胃虛痞也用_四君子湯面色痿黃飲食少思脾胃虛弱也用_六君子湯膿水清稀肌肉不生氣血俱虛也用_八珍湯熱來復去有時而動無根虛火也用十全大補湯形瘦嗜臥寢息發熱痰盛作渴小便頻數五臟虛損也用_六味丸臍腹疼痛夜多漩溺脚膝無力頭暈吐痰腎氣冷敗也用_八味丸發熱大渴不欲近衣面目赤色脈大而虛血虛發躁也用當歸補血湯或有痢後而患者亦治以前法餘當_臨症

治驗

州守張天澤左膝痠痛胸膈痞滿飲食少思時欲作嘔頭暈痰
壅日晡益倦此脾肺氣虛用葱熨法及六君加炮薑諸症頓退
飲食少進用補中益氣加蔓荊子頭目清爽間與大防風湯十
餘劑又用補中益氣三十餘劑而消

通府劉國威先筋攣骨痛右膝漫痠用化痰消毒之劑痠痛益
甚食少體倦加祛風消毒等藥寒熱作嘔大便不實用二陳除
濕之類痠起色赤內痛如銚余診其脈滑數而無力此膿已成
元氣虛而不能潰也用十全大補湯四劑佐以大防風湯一劑
而潰又百餘劑而得痊

一儒者腿筋弛長月餘兩膝痠痛此陰虛濕熱所乘也用六味
丸為主佐以八珍湯加牛膝杜仲間以補中益氣湯三月餘而

一男子腿痛膝腫脈浮按之弦緊此肝腎虛弱也用大防風湯
二劑已退彼或於附子有毒乃服治瘡之藥日漸消瘦虛症漸
至復求治余曰倦怠消瘦脾胃衰而不能營運也小便不禁膀
胱虛而不能約制也燥熱虛痞胃氣弱而不能化也恍惚健忘
精神失而憤亂也惡症蜂集余辭之後果歿

天泡瘡 十六

天泡瘡屬元氣不足邪氣所乘亦有傳染而患受症在肝腎二
經故多在下體發起有先筋骨痛而後患者有先患而後痛者
初起脈浮數邪在脾肺經也先用荆防敗毒散解散之脈弦數
邪在肝膽經也先用龍膽瀉肝湯清解之脈沉數邪在藏腑也
先用內疎黃連湯通導之後用換肌消毒散爲主愈後再無筋
骨疼痛之患若瘡凸赤作痛熱毒熾甚也瘡微作痛毒將殺也

瘡色白而不結痂陽氣虛也色赤而不結痂陰血虛也搔癢脈
虛浮氣不能相榮也搔癢脈浮數血不能相榮也臀背間或頸
間作癢膀胱陰虛也陰氣間或股內痒肝經血虛也陰囊作瘡
重墜肝經陰虛濕熱也小便頻數短少色赤肝經陰虛也小便
頻數色白短少脾肺氣虛也面目搔痒或搔癢赤外邪相搏也
眉間痒或毛落肝膽血燥也飲食小思口乾飲湯胃氣虛也飲
食不化大便不實脾氣虛也侵晨或夜間泄瀉脾腎虛也若治
失其法有蝕傷眼目腐爛玉莖拳攣成體者但用九味蘆薈丸
以清肝火六味丸以生腎水蠲痺解毒散以養血祛邪亦有可
生者若誤用輕粉等劑反爲難治

治驗

一儒者患前症先玉莖作痒出水後陰囊股內小腹脇臂發小

瀰或乾臆窠誤服祛風等藥肢體倦怠惡寒發熱飲食漸減大便不實左尺洪數左關弦數右關浮緩按之微弦余曰此患屬肝膽經也左關脈弦左尺脈浮數者腎水少而虛熱傳於肝也右關脈浮緩脾胃之氣弱也按之而弦者肝木乘脾土也用六味地黄丸補中益氣湯爲主佐以換肌消毒散而愈

一儒者患前症色焮赤作痛大便秘而不實服祛風敗毒等藥舌痛口乾脈浮而數此邪氣去而陰虛所致用六味丸料加山梔當歸四劑脈症頓退又用八珍湯加山梔丹皮瘡色漸白後用四君加歸芪而愈

一人患此服攻毒等藥思慮凸而色赤作痛肢體倦怠惡寒發熱脈浮而虛此元氣復傷而邪氣實也用補中益氣二劑而痊一儒者患之誤服祛風消毒之藥復傷元氣因勞役過度內熱

口乾齒齲作痛右關脉洪數而虛此脾胃受傷而火動用清胃散之類而愈

進士劉華甫患之數月用輕粉硃砂等藥頭面背髻各結一塊二寸許潰而形氣消弱寒熱口乾舌燥唇裂小便淋瀝痰涎上湧飲食少思此脾胃傷諸臟弱而虛火動也先用六君子二十餘劑又用補中益氣湯加山茱山藥麥門五味服之胃氣復而諸症愈惟小便未清痰涎未止用加減八味丸而痊

一儒者患之頭面搔痒或成粒或成片或出水脾肺脉俱洪數此風邪所傷先用荆防敗毒散加草薢釣藤鈎數劑漸愈但口乾內熱用四物加山梔釣藤金銀花甘草節而愈后遍身搔痒內熱口乾佐以六味丸而痊

一商人每勞役飲酒後則遍身生瘡服祛風敗毒之劑面目胸

背臂脇結一塊如桃栗凹凸疼痛膿水淋漓氣血虛甚寒熱往來作渴痰壅此濕熱壅盛元氣虛而不能愈也外敷當歸膏內一補陰八珍加革解五錢并換肌消毒散加乾葛釣藤鉤各一錢二十餘劑諸症漸退仍以前藥爲主佐以調理之劑兩月餘血氣復而瘡愈

赤白遊風 十七

赤白遊風屬脾肺氣虛腠理不密風熱相搏或寒閉腠理內熱拂鬱或陰虛火動外邪所乘或肝火風熱血熱治法若風熱用小柴胡湯加防風連翹血熱用四物加柴胡山梔丹皮風熱相搏用荆防敗毒散內熱外寒用加味羌活散胃氣虛弱用補中益氣湯加羌活防風及消風散血虛用加味逍遙散陰虛逍遙散六味丸若肝腎虛熱用六味丸則火自息風自定痒自止若

用祛風辛熱之劑則肝血愈燥風火愈熾元氣愈虛腠理不閉
風客內淫腎氣受傷相火翕合血隨火化反爲難治矣

治驗

一男子秋間發疔瘡此元氣虛而外邪所侵也先用九味羌活
湯二劑又用補中補氣加羌防而愈後不慎起居盜汗晡熱口
乾唾痰體倦懶言用補中益氣湯加減八味丸而愈

一婦人身如丹毒搔破膿水淋漓熱渴頭暈日晡益甚用加味
逍遙散而愈

一婦人患赤白遊風晡熱痒甚余用清肝養血之劑不信乃服
大麻風藥臂痛而筋攣又服化痰順氣之劑四肢痿弱而歿

一婦人患前症數用風藥煎湯泡洗以致腹脹而歿

一女子赤暈如霞作痒發熱用加味小柴湯加生地連翹乃皮而愈

疥瘡十八

疥瘡屬脾經濕毒積熱或肝經血熱風熱或腎經陰虛發熱其
體倦食少爲脾經濕熱用補中益氣湯飲冷作痛爲脾經積熱
用清熱消毒散搔痒發熱爲脾虛風熱用人參消風散搔痒作
痛爲風熱用當歸飲子便秘作痛爲熱毒用升麻和氣飲熱渴
便利爲脾肺虛熱用竹葉黃芪湯內熱晡熱或時寒熱屬肝經
血虛風熱用加味逍遙散六味九體倦少食或盜汗少寢爲脾
氣鬱結用加味歸脾湯逍遙散地黃丸若發熱盜汗或吐痰口
乾者爲腎經虛熱用六味丸料煎服

治驗

稽動李龍岡遍身患此腿足爲甚日晡益熾口乾作渴小便頻
赤此腎經虛熱用補中益氣湯六味丸而痊

一儒者善噫患痒余以為內有濕熱腠理不密外邪所搏也與補中益氣湯加白芷川芎治之不從自服荆防敗毒散盜汗發熱作渴焮痛膿水淋漓仍用前湯倍加參芪五味而痊

一儒者患在臂脚日晡或痒或脹形體倦怠自服敗毒散痛處發癰小便赤澀此肺腎陰虛余用補中益氣加五味麥門冬愈

一儒者患此悞用攻伐之劑元氣虛而不能愈用補中益氣湯加茯苓其瘡頓愈又因調養失宜日晡益甚用八珍湯加五味

麥門五十餘劑而愈

一男子色黯作痒出黑血日晡益甚其腿日癰夜消余以為氣血虛而有熱朝用補中益氣湯夕用加味逍散而愈

一男子時疫愈後所患如用前藥補養而愈有同患用砭法出血而死此因陰虛血熱色黑作痒也何乃反傷陰血哉

一婦人久不愈食少體倦此肝脾虧損而虛熱先用補中益氣湯加川芎炒山梔元氣漸復更以逍遙散而瘡漸愈若夜間譫語此熱入血分用小柴胡湯加生地黃治之血虛者四物合小柴胡湯熱退却用逍遙散以補脾胃生陰血亦有寒熱如瘧亦治以前藥

附骨疽十九

附骨疽有因露臥風寒深襲於骨者有因形氣損傷不能起發者有因剋伐之劑虧損元氣不能發出者有因外敷寒藥血凝結於內者凡此皆宜灸慰患處解散毒氣補接陽氣溫補脾胃為主若飲食如常先用仙方活命飲解毒散鬱隨用六君子湯補托榮氣若體倦食少但用前湯培養諸臟使邪不得勝正若膿已成卽針之使毒不得內侵帶生用針亦無妨如火針亦

不痛且使易斂其隔蒜炙能解毒行氣葱熨法能助陽氣行壅滯此雖不見於方書余常用之大効其功不能盡述惟氣血虛脫者不應

治驗

南司馬王荆山腿癰作痛寒熱發渴飲食如常脈洪數而有力此足三陽經濕熱壅滯用檳蘓敗毒散一劑而寒熱止再劑而癰痛消更用逍遙散而元氣復兩月後因怒癰痛如錐亦量散漫用活命飲二劑而痛緩又用八珍湯加柴胡山梔丹皮而痛止復因勞役倦怠嬾食腿重頭暈此脾胃氣虛而不能升舉也用補中益氣湯加蔓荊子而安

一儒者左腿微癰肉色如故飲食少思此直氣虛而濕邪內襲也蓋諸氣皆稟於胃法當助胃壯氣遂用六君加藿香木香當

歸數劑飲食漸進更以十全大補元氣漸復而愈

一儒者兩腿癰痛肉色不變惡寒發熱飲食少思肢體倦怠脾氣不足濕痰下注也以補中益氣加半夏茯苓芍藥二劑寒熱退而癰痛消又十餘劑脾胃壯而形體健

一男子患此入房兩臂硬癰二便不通余謂腎開竅於二陰乃肝腎虧損也用六味丸料加車前牛膝而二便利用補中益氣而癰硬消喜其年少得生

一上舍內痛如錐肉色如故面黃嬾食痛甚作嘔此痛傷胃也用六君子以壯其脾胃用十全大補以助其膿而針之更用前湯倍加參芪芎歸麥門五味遠志貝母而瘡斂

一男子因負重飲食失節胸間作痛誤認爲瘡毒服大黃等藥右腿股癰肉色如故頭痛惡寒喘渴發熱脉洪大而無力此勞

傷元氣藥損胃氣而然耳用補中益氣湯四劑又用十全大補湯數劑喜其年而愈

多骨疽 二十

多骨疽者由瘡瘍久潰氣血不能營於患處邪氣陷襲久則爛筋腐骨而脫出屬足三陰虧損之症也用補中益氣湯以固根本若陰火發熱者佐以六味丸壯水之主以鎮陽光陽氣虛寒者佐以八味丸益火之源以消陰翳外以附子餅葱熨法祛散寒邪補接榮氣則骨自脫瘡自斂也夫腎主骨若腎氣虧損其骨漸癰痿在再歲月潰而出骨亦用前法若投以剋伐之劑復傷真氣鮮有不誤者

治驗

舉人于廷器腿患流注年餘出腐骨少許午前畏寒午後發熱

口乾唾痰小便頻數余以爲足三陰虧損朝用補中益氣湯夕用六味丸料加黃芪當歸五味子各三十餘劑外用豆豉餅諸症漸愈又以十全大補之類喜其慎疾而愈

一儒者患附骨疽失於調補瘡口不斂日出清膿少許已而常出三腐骨其脈但數而無邪此氣血虛瘡結膿管而不能愈經以烏金膏日服十全大補湯而愈

上舍王廷璋患前症三年未愈肢體消瘦飲食難化手足並冷大便不通手足陰冷余謂此陽氣虛寒用補中益氣湯八味丸及灸其患處而痊

一男子上腭癰硬年餘方潰內熱作渴肢體消瘦六脈洪大左手尤甚用補中益氣湯六味丸出腐骨一塊仍服前藥諸症悉去瘡口亦斂

一男子十六歲間足腫黯潰而露骨體瘦盜汗發熱口乾用十全大補湯六味地黃丸各五十餘劑而愈不然多變瘰癧症或瀝盡氣血而亡

一婦人年三十餘素弱左手背漸癰一年後潰出清膿癰黯連臂內熱晡熱自汗盜汗經水兩月一至此肝脾氣血虧損朝用歸脾湯夕用逍遙散腫處頻用葱熨法兩月餘諸症漸愈瘡出腐骨仍服前藥前後共三百餘劑得愈

翻花瘡二十一

翻花瘡者由瘡瘍潰後肝火血燥生風所致或瘡口斂肉突出如菌大小不同或出如蛇頭長短不一治法當滋肝補氣外塗藜蘆膏斂肉自入須候元氣漸復膿毒將盡塗之有效不然雖入而復潰若誤用刀針蝕藥灸去其勢益甚或出血不止必致

寒熱嘔吐等症須大補脾胃為善

治驗

判官張承恩內股患癰將愈翻出一肉如菌余曰此屬肝經風熱血燥當清肝熱養肝血彼為不然乃內用降火外用追蝕蝕而復翻翻而復蝕其肉益大元氣益虛始信余言遂內用梔子清肝散外用藜蘆膏而痊

一上舍素膏梁善怒耳下結一核從潰而瘡口翻張如菌焮連頭痛或胸脇作脹或內熱寒熱或用清熱消毒之藥年餘未瘥余用補用益氣湯六味地黃丸而尋愈

一男子背瘡歛如莖許翻出肉寸餘用消蝕割繫法屢去屢大此肝經血虛風熱余用加味道遙散三十餘劑塗藜蘆膏而消又用八珍散倍用參芪歸朮而歛

一婦人素善怒臂患癰瘡口出肉長二寸許此肝脾鬱怒氣血虛而風內動用加味逍遙散塗黎蘆膏而愈後因怒患處脹悶遍身汗出如雨此肝經風熱風能散氣故耳仍用前散并八珍湯而愈

一男子項患腫痰涎湧甚用散豎行氣等劑腫硬愈甚喘氣發熱自汗盜汗體倦食少余曰此屬足三陰虧損當滋化源不信反追蝕患處開翻六寸許嶮巖色赤日出鮮血三月餘矣肝脈弦洪緊實余用大補湯加麥門五味五十餘劑諸症漸愈血止三四復因怒飲食頓少其血湧出此肝傷不能藏脾傷不能攝也用補中益氣湯爲主加五味麥門其血頓止再以六味丸加五味子常服瘡口斂至寸許遂不用藥且不守禁而歿

外科樞要卷之二終